

Dados relata 29 Maiu 2020

SUMÁRIU

- La'os de'it atu mantein servisu esensiál ba TB, maibé atu aseguira mós rejimentu ai-moruk tratamentu foun no protokolu tratamentu nian hetan implementasaun duni durante pandemia COVID-19, Ministériu Saúde ho suporta hosi OMS hala'o e-workshop nasional kona-ba jestaun kliníku ba Drug Resistant TB (DR-TB) ba pontu fokál TB hosi ospital nasional no referál, munisípiu, komite jestaun kliníku ba DR TB, no programa nasional TB (NTP). Bazeia ba atualizasaun global OMS nian, Timor-Leste sei hahú rejimentu ai-moruk foun DR TB ba dahuluk.
- Depois halo orientasaun iha teritóriu tomak kona-ba importánsia hosi servisu imunizasaun durante pandemia, MS, UNICEF no OMS kompleta ona avaliasaun preliminaríu kona-ba indikadór EPI entre fulan Janeiru to'o Abril 2020. Rezultadu provizóriu indika iha katak kobertura ba servisu imunizasaun tun kompara ho periodu hanesan iha tinan kotuk. Avaliasaun detallu planeadu ona hosi MS no parseiru sira.
- Pesoál saúde sira hamutuk nain 35 kompostu hosi doutór, enfermeiru, parteira no administradór saúde sira partisipa iha treinamentu ba ijiene liman nian. Ida ne'e nu'udar kampaña fase liman durante fulan ida tomak hosi MS, Asosiasaun Enfermeiru Timor-Leste no OMS nian hodi reinforça liután ijiene liman la'os de'it iha kontestu COVID-19 maibé hodi bele atinji rezultadu saúde ne'ebé di'ak liu.
- UNICEF suporta MS hodi prodús kántiku ida ho kantora Timor nain rua hosi hasa'e konxiénsia kona-ba mensajen xave kona-ba prevensaun COVID-19, ho objetivu atu bele atinji comunidade sira barak liután.
- MS lansa ona peskiza hodi avalia kompriensaun no impaktu hosi mensajen kona-ba prevensaun COVID-19 nian.
- IOM fó apoiu OMS no parseiru seluk hodi distribui poster 2,000 no sticker 1,420 iha suco 48 no bairru 242 iha Munisípiu Dili. IOM mós dezenvolve no imprime IEC materiais 400 ne'ebé tradus ba dialetu, ne'ebé distribui entre comunidade iha fronteira Bobonaro no Covalima.

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dados ne'ebé públika iha [Centro Integrado Gestao de Crise](#))

Tuir pájina WHO Timor-Leste
[Facebook](#) no [Twitter](#) no [MS](#)

Ba informasaun klean liután no guia hosi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

5 593 631 konfirmadu (**104 505**)

353 334 mate (**4221**)


AVALIASAUN RISKU OMS

Nivel Globál Aas tebes



Data notifikasaun kazu foun no kumulativu COVID-19 iha Timor-Leste

(29-May-2020 : kazu foun-0 kumulativus-24)




Source : Direcção Nacional Controlo de Doenças - Departamento Vijilansia Epidemiologia

Timor-Leste

Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vijilansia Epidemiologia

Sumáriu Global

- Jestaun pilar OMS nian ba *Infodemic* halo ona monitorizasaun globál konversa iha lian Inglés kona-ba COVID-19 hodi detekta sinál sedu hosi envolvimentu públiku no sira-nia interesse ho tópiku kona-ba COVID-19. Maske nunee sinál sira ne'e mai hosi fonte ne'ebé kredível ka la kredível atu bele utiliza hodi antisipa no intervene: pergunta saida mak prezisa hetan resposta no mitu saida mak prezisa hapara tiha. Iha fulan Abril nee, monitorizasaun semanál detekta iha númeru post globál kuaze 98% mak envolve iha konversa kona-ba imunidade COVID-19 nian.

OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigoroza tebes no hasa'e kapasidade ba IPC nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus kaibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita

moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba dezvoltamentu COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-